

ar herra amtmaður skal hjer með vinnumaður Ólafur Jóhannesson á Hlíðarhúsum við **123**  
Reykjavík sœmdur 25 króna verðlaunum fyrir dugnað þann og snarræði, er hann sýndi **11. okt.**  
við hjörgun nokkurra manna úr sjávarháska í aprilmánuði 1875.

Avisun á nefnda upphæð fylgir hjer með til þóknanlegrar ráðstöfunar.

— *Brjef landshöfðingja til stiptsyfirvaldanna um húsaleigustyrk* við **124**  
prestaskólann. — Samkvæmt tillögum stiptsyfirvaldanna í brjefi frá 2. þ. m. **11. okt.**  
veitist hjer með stúdent Morten Hansen, þó hann eigi heima í Reykjavík, 80 kr. styrk-  
ur af fje því, sem veitt er með 13. gr. B I b., fjárlaganna til húsaleigu handa læri-  
sveinum prestaskólans, og eru stiptsyfirvöldin beðin að hlutast til um, að nefnd upphæð  
verði borguð.

— *Brjef landshöfðingja til amtmannsins yfir norður- og austurumdæminu um* **125**  
hjó naskilnað. — Með brjefi yðar, herra amtmaður, frá 30. ágúst þ. á. meðtók jeg **11. okt.**  
bónarbrjef frá konunni Guðbjörgu Jónsdóttur á Tindum um skilnað að borði og sæng við  
bónða sinn Björn Eysteinnsson á Hurðarbaki, þrátt fyrir það, þótt hann hafi ekki fengizt  
til að fara þess á leit með henni.

Út af þessu skal yður tjáð til þóknanlegrar leiðbeiningar og birtingar fyrir hlutað-  
eiganda, að með því að ekki er borin fram önnur ástæða til hins umbeðna hjónaskiln-  
aðar en ólíkir geðsmunir, getur ekki komið til tals að veita hann gegn vilja annars  
hjó nanna.

— *Brjef landshöfðingja til amtmannsins yfir norður- og austurumdæminu um* **126**  
styrk til vjelasmíðisnáms. — Samkvæmt tillögum yðar, herra amtmaður, í **15. okt.**  
brjefi frá 30. f. m. hefi jeg veitt prófastinum í Eyjafjardarsýslu 200 kr. styrk úr lands-  
sjóði upp í kostnaðinn við að koma Jóni Árnasyni frá Skútum í verkvjelasmíðisnám, og  
hefi jeg samkvæmt beiðni prófastsins gjört ráðstöfun til að upphæð þessari verði ávísað  
Tryggva alþingismanni Gunnarssyni til útborgunar í Kaupmannahöfn, þegar hann um það  
snýr sjer til ráðgjafans fyrir Ísland. Þetta er tjáð yður til þóknanlegrar leiðbeiningar  
og birtingar fyrir hlutaðeiganda.

— *Brjef landshöfðingja til sýslumannsins í Skagafjardarsýslu um styrk* **127**  
handa kvennaskóla. — Í brjefi frá 28. f. m. hafið þjer, herra sýslu- **15. okt.**  
maður, mælt fram með beiðni hlutaðeigandi forstöðunefndar um styrk úr landssjóði handa  
kvennaskóla, sem í ráði er að stofna í haust í sýslu yðar.

Út af þessu vil jeg með sjerstöku tilliti til þess, að sýslunefndin hefur veitt þessari  
stofnun 200 kr. þetta ár, hjer með leggja tjeðum skóla 100 kr. styrk af fje því, sem ákvæðið  
er úr landssjóði til vísindalegra og verklegra framkvæmda. Býst jeg við, að sýslunefndin  
hafi hið nauðsynlega eptirlit með, að því fje, sem lagt er úr almennum sjóði til fyrirtækis  
þessa, verði varið samkvæmt tilætluninni, og mun jeg, undir eins og jeg er búinn að fá  
vottorð sýslunefndarinnar um, að skólinn sje byrjaður, ávísa nefndinni tjeðum styrk til  
útborgunar úr jarðabókarsjóði.